



Terenga 3: Hōtaka 06 - Āhei me Taea

Kei ngā ihu oneone o ngā papakāinga huri noa, huri noa, huhura mai kia mairanga ai tātou i te reo i waiho mai ai e kahika mā, ki te tāpuhipuhi rā anō o te ao.

Hei Mahi Whakarongo

Ko te noho Māori i te ao nei te kaupapa o te kōrero a Waihoroi Shortland i runga i te hōtaka o Whakataukī. I ngā tauira o Ako e patopato ana i ngā whakautu ki runga i ā rātou ī-papa, mā koutou hoki e whakautu ēnei pātai:

- 1) Kua pupuri pēheatia nei ngā whakataukī?
- 2) He mea nui te aha?
- 3) Me whakataukī e tātou ngā āhuatanga o te ao e noho nei tātou, hei tāna?

He Whakamārama

Anei ngā āhuatanga hei manatu mā tātou ina whakamahia e tātou te kupu 'taea':

- Me + taea (koinei anahe te kupu hāngū ka noho ki muri i te kupu 'Me')
- Ka taea + e + kaimahi
- kāore he kupu tūhono 'i/ki'
 - a) Me taea e koe te taraiwa e riro ai i a koe te tūranga nei. ✓
 - e) Ka taea e rātou te kite tō rātou whare mai i te tihi o te maunga. ✓

He rerekē te tikanga me te whakamahinga o te kupu 'āhei' me te kupu 'taea'. Kua kite tātou, he kupu hāngū te kupu 'taea'. He tūmahi, he tūāhua, he tūingoa rānei te kupu 'āhei'. Tirohia ēnei tauira:

(tūāhua)	Kāore e āhei i a ia te haere.	<i>He wasn't able to go.</i>
(tūmahi)	E kore e āhei te kī atu.	<i>(I'm) not permitted to say.</i>
(tūmahi)	Kāore ia e āhei ki te kuhu atu.	<i>He is not allowed to enter.</i>
(tūingoa)	He aromatawai tēnei i tō āhei ki te tatau.	<i>This is a test of your ability to count.</i>

Ka taea e koe te pukapuka te titiro nā te mea he karu ōu. E āhei ana koe ki te titiro ki te pukapuka nā te mea e whakaae ana tētehi kia tirohia e koe. Koinei tētehi o ngā tino rerekētanga o te 'taea' me te 'āhei'.

Hei Mahi

Tuatahi, whakapākehātia te rerenga. Tuarua, tangohia te kupu 'āhei', ā, whakaurua tētehi kupu rerekē ki reira e tika tonu ai te rere o te kōrero.

- 1) Kāore ia i āhei ki te hoko hikareti, he tamariki rawa nōna.
- 2) I tēnei taumata ka āhei ngā tamariki ki te pānui i ngā rerenga āhua roa tonu.
- 3) Ka āhei i a ia te mahi rā - engari e kore e tutuki i a au.

He Whakautu:

1. a) He wasn't allowed to buy cigarettes as he was too young. e) whakaaetia...kia, tukuna.
2. a) At this level, the children are able to read quite long sentences. e) mōhio
3. a) He is able to do that task - but I'll never achieve it. e) tutuki, pahure, pahawa.